



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: \_\_\_\_\_

Datum: \_\_\_\_\_

**PRIJEDLOG**

Na osnovu člana 13. stav 2. alineja 5. i člana 35. stav 3. Zakona o principima lokalne samouprave („Službene novine Federacije BiH“, broj: 49/06 i 51/09), člana 10. Zakona o cestama FBiH („Službene novine FBiH“, broj: 12/10, 16/10 i 66/13) i člana 14. Statuta Općine Tešanj („Službeni glasnik Općine Tešanj“, broj: 11/07), Općinsko vijeće Općine Tešanj, na svojoj redovnoj sjednici, \_\_\_\_ 2018. godine, donosi

**ODLUKU**  
o gubitku statusa Javnog dobra-put

**Član 1.**

Utvrđuje se da je izgubilo status Javno dobro-put zemljište upisano u Izkaz I, označeno kao k.č.broj:120/4 površine 205 m<sup>2</sup> upisano u zk uložak broj:29 K.O. Trepče, po novom premjeru zemljište označeno kao k.p. broj:835/3 površine 205 m<sup>2</sup> upisano u PL 65 K.O. Trepče.

**Član 2.**

Zemljišno knjižni ured brisat će izvršen upis zemljišta iz predhodnog člana kao nekretninu Javno dobro-put, a navedeno zemljište upisati sa pravom vlasništva Općina Tešanj sa dijelom 1/1.

Katastarski ured brisat će izvršen upis zemljišta iz predhodnog člana kao nekretninu Javno dobro put, a navedeno zemljište upisati sa pravom posjeda Općina Tešanj sa dijelom 1/1.

**Član 3.**

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**PREDSJEDAVAJUĆI  
OPĆINSKOG VIJEĆA:**

Senad Subašić, dipl. oec.





## Obrazloženje

### PRAVNI OSNOV:

Člana 13. stav 2. alineja 5. i člana 35. stav 3. Zakona o principima lokalne samouprave („Službene novine Federacije BiH“, broj: 49/06 i 51/09), Član 10. Zakona o cestama FBiH ("Službene novine FBiH", broj:12/10, 16/10 i 66/13) i član 14. Statuta Općine Tešanj ("Službeni glasnik Općine Tešanj", broj:11/07).

### RAZLOZI DONOŠENJA:

Kod Službe za katastar, urbanizam i imovinsko pravne poslove Općine Tešanj, na zapisnik je preciziran zahtjev Hasanbašić (Muharem) Hamzalije iz Trepča, u smislu kupovine dijela u površini od cca 233 m<sup>2</sup> parcele 835/1 K.O. Trepče neposrednom pogodbom, zemljišta koje koristi i uživa dvadesetsedam godina.

Na osnovu zahtjeva Hasanbašić Hamzalije, održana je usmena rasprava na licu mjesta u prisustvu podnosioca zahtjeva, općinskog pravobranioca i stručnog lica geodetske struke.

Na licu mjesta izvršeno je geodetsko snimanje predmetnog zemljišta, a nakon preciziranja predmetnog zahtjeva i izjašnjenja općinskog pravobranioca, izvršeno je cijepanje i formiranje predmetne parcele.

Članom 10. stavom 1. Zakona o cestama FBiH ("Službene novine FBiH", broj:12/10) propisano je dijelovi javne ceste koji nakon izgradnje i rekonstrukcije ne pripadaju novoj trasi ceste mijenjaju odnosno gube kategoriju javne ceste.

U toku postupka provedena su dokazna sredstva: na licu mjesta održana je usmena rasprava, izvršeno je geodetsko cijepanje i formiranje parcele, održana usmena rasprava u prostorijama ovog organa, na zapisnik dat nalaz i mišljenje stručnog lica geodetske struke, preciziran podneseni zahtjev, dato izjašnjenje općinskog pravobranioca, na zapisnik dato mišljenje stručnog lica urbanističke struke, izvršen je uvid u PL 65 K.O. Trepče i z.k.ul.broj:29 K.O. Trepče.

Predmetna parcela u zemljišnoj knjižnoj evidenciji upisana je kao put, dok ista u naravi nije put, predmetna parcela od puta u naravi je odvojena betonskom podzidom sa žičanom ogradom i koristi se kao dvorište koje predstavlja sastavni dio parcele 835/2 odnosno parcele koja je u posjedu podnosioca zahtjeva, to s hodno navedenom, sačinjen Prijedlog ove Odluke i isti se podnosi Općinskom vijeću na razmatranje.

### OBRADIVAČ:

Služba za katastar, urbanizam  
i imovinsko-pravne poslove

NADIR Medarić, dipl. ing. geodezije



OPĆINSKI NAČELNIK

Mr. sci. SUAD Huskić

Broj: 02-31-1-3228-19/17

Dana, 14.02.2018. godine